



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Nouitijs ad professionem recipiendis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

mine sumant, antequam illa professionem regularem confecerit.
20 Episcopus praeterea tum impensas aestimet, quae, & in religionis ingressu, & tempore professionis fieri solent pro vestitu, aut pro alijs rebus, ad ipsius puella, vel monasterij usum, comoditatemve pertinentibus; tum pecuniae etiam summam praescribat, quam puella alimentorum nomine, monasterio det; nisi census, aut alia bona immobilia, quorum annui fructus, eiusdem iudicio, ad ea alimenta satis sint. Monasterio attribuantur.

21 Ea autem omnis pecuniae summa, eo nomine ab Episcopo decreta, re ipsa apud certum hominem, & virum bonum deponatur, qui, professione confecta, illam statim monasterio tradat, ut decretum est superiori Concilio.

De Nouitijs ad Professionem recipiendis.

S V M M A R I V M.

- 1 Nouitia monialis cuius aetatis ad professionem recipienda.
- 2 Nouitia professurae tempus à Praefecta quando Episcopo significandum; quodque Episcopi ea in re officium.
- 3 Quo loco, quibus praesentibus, & qua ratione examinanda.
- 4 Eadem ad professionem admittenda, quo ritu utendum, quaeque caeremoniae adhibendae. De Puellis ad Relig. admitt. 13, 14.
- 5 Professionem facere permittens Praefecta, superiorue Regularis non explorata nouitia voluntate, examineue adhibito, grauiter peccedi. Inuitam quoque profiteri cogens, excommunicatur. De Puellis ad Relig. admitt. 1.
- 6 Professione facta, quod à moniali Monasterio datur, apud quem deponendum.
- 7 Nouitia quomodo bonis renunciet.
- 8 Ad professionem non admittenda officium recitare nesciens, & à quo faciendum periculum. 9.
- 9 Suffragijs tacitis nouitia ad professionem admittenda. De Puellis ad Relig. ad. 8.
- 10 Professionis memoria, ut notanda.
- 11 Professionis diei in foresterijs quae fieri vetantur.
- 12 Moniales solemniter velandi ritus reuocandus.

Noniam ex Tridentini Concilij decreto professio ante decimum sextum annum expletum, & ante annum probationis post susceptum habitum facta, nulla est, nullaque parit obligationem; curēt Episcopi, ne nouitia vlla ante illam aetatem, & tempus ad professionem admittatur.

1. De Nouit. ad profess. recip. Sess. 25. c. 15.

Præ-

2 Praefecta autem monasterio triginta ante diebus Episcopo significet, quo tempore nouitia professura sit; ut uel ipse, uel, si is abest, impeditusue; alius, cui ille id negotij dederit, nouitiae uoluntatem cognoscat: perspiciatque an eiusmodi conditionibus sit, quos monasterij alius, & ordinis regula postulat: an item monasterium idoneum. Et denique demonstret, quam grauis ea res sit, quamue multas res tria illa religionis uota requirant; ut ea antequam ad professionem recipiantur, uinculi uim intelligat, quo se obstringi uult.

Sess. 25. c. 17. Si Praefecta id facere neglexerit, eiusdem Tridentini Concilij decreto ab eius officio tamdiu amoueat, quod ad Episcopo uidebitur.

3 Nouitia ne examinetur intra septa monasterij, sed extra, in publica eius monasterij Ecclesia, ut liberè, & fidenter suam uoluntatem exponere possit.

5. Quae ad Mon. pert. Sess. 25. c. 17.

Cum nouitiae, antea quam professionem praestet, uoluntatem Episcopus pro facultate, sibi decreto Tridentino data, explorare uolet, hoc agere ei liceat, loco, ubi crates monasterij sunt; nec propterea à sepius illa egrediatur: nisi causa sit, probabilisue eiusdem Episcopi iudicio suspicio, quamobrem potius esse censuerit, ut alio loco eius uoluntas perquiratur: tuncque uel in Ecclesiam monasterij exteriorem, uel in aliam proximam, prout commodius, decentiusue fieri uiderit, illam perducere iubeat. Quae in Ecclesia, praesentibus matronis duabus, aetate grauius, honestis, & nouitiae gradu cognationis, quantum potest propinquioribus, quas ipsa, aut moniales delegerint, eius animum, uoluntatemque Episcopus rectè indagat, loco paulò remotiori, ita ut, quae ad sunt, matronae uidere, non tamen auribus percipere possint indagationem, responsionemue.

4 Ut & puellis, moniali uestitu induendis, & in admittendis ad professionem nouitijs, unus, idemque ritus ab prouincia Episcopis adhibeatur, cum eius generis regulae uariae illae quidem, ac plane inter se diuersae, dissimilesque sint; liber de eo ritu, huius Synodi Prouincialis auctoritate per nos edetur: ad cuius praescriptum omnis ea ratio in eatur, tum puellas induendi; tum nouitias ad professionem admittendi.

5 Si quae monialium praefecta, earumque superior Regularis, uirginem aliquam, non explorata per Episcopum illius uoluntate, examine adhibito, religiosum uestitum suscipere, aut professionem conficere permiserit; ab ipso Episcopo seuera poena afficiatur.

1. Ibidem.

6 Quod uero professione facta, eleemosynae gratia ad professam sustentandam monasterio datur, id quo tempore puella religionis habitum suscipiet, apud uirum, monialibus, & earum superiori probatum, deponatur; ut nullo impedimento tum monialibus praesto esse possit.

Sess. 25. c. 16.

7 Nulla autem renunciatio bonis à nouitia fiat; nisi, quemadmodum à Con-

à Concilio Tridentino iussu est, facultate ab Episcopo, uel eius Vicario permilla, ad duos proximos menses ante professionem fiat.

8 Et quoniam, quæ moniales, professione facta, uelum susceperunt, quoniam suæ religionis diuinum officium dicere debent; nulla ad professionem admittatur, quæ congruè legere, & dicere nesciat.

9 Id autem experiri debet is, cuius officium est eas examinandi: qui, se presente, eam legere iubebit.

10 Professio autem, & anni, quo facta est, in libro, ad eum usum confecto, memoria conseruetur, manu eius monialis, quæ scribæ officio fungitur; adhibita subscriptione eius, quæ professa sit, si modo scribere scierit; & superioris, qui eam admiserit.

11 Quo die puella profiretur, uel monialem habium induit, in foresterijs, & dibusque monialium, ab eius propinquis, & amicis conuiuia ne fiant, neque bellaria dentur.

12 Vbi religiosus iste, & uetus monialis solemniter uel ande mos his temporibus antiquatus est, ad pristinum usum, ex ueteri instituto, & ritu reuocetur, dum modò intra monasterium id fiat.

De diuinis Officijs, Precationibus; & Lectione Monialium.

SUMMARIUM.

- 1 Moniales die, noctuque Chorum frequentent.
- 2 Singula diuinis officijs intersint, & quo habitu.
- 3 Quo sono, cantusue utantur; quasque res precando fugiant.
- 4 Orationem mentalem quando habeant, & que meditentur.
- 5 Diebus festis horam aliqua in lectione consumant.
- 6 Earum libri recognoscendi, & à quibus.
- 7 Scriptoque tantum approbati ad eisdem retinendi.



Vm ad sanctimoniales ualdè pertineat laudare assidue Deum creatorem, conseruatorem, & redemptorem mundi, eidem gratias agere & supplicare, ut suam misericordiam omnibus hominibus ad salutem impertiat: idcirco moniales omnes, die, noctuque chorum frequentent: sacrisque officijs distinctè, attentèque ab ipsis, & uoce, & pio animi affectu celebrandis, intersint: illis solum exceptis, quarum perfecta iusti impedimenti excusationem acceperit.

Adiungit

1. De diuin. off. Prec. & lect. Mor.